

近代中國史料叢刊第五十四輯

沈雲龍主編

未灰齋文集

徐鼐撰

文海出版社
印行

集 柴 炆 齊

未灰齋文集自敘

隋志曰靈均以降屬文之士永矣後之君子欲觀其體勢而見其心靈別聚焉名之爲集詞人景慕並自記載以成書部蓋西京前以集名者皆後人集之自爲文而自集者其起於建安諸子乎隋志箸錄四百三十七部唐志七百五十部宋元踵而增焉至明史藝文志一代之集多至千一百八十八部集至是而極盛文亦至是而極衰矣竊從先大人問業間學爲古文詞先大人曰古文以意爲主文成法立無一定之體格也歸震川方望溪姚姬傳皆近代作家論者猶謂有時文氣駢儷文以藻鍊爲上袁枚之浮囂吳錫麒之靡弱不足學也業非專治必不精汝親老家貧不得不業制舉文

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



以餬口兼而治之則鹵莽滅裂以爲亦鹵莽滅裂以報藏拙可也咸豐癸丑奉

命

留籍辦理防堵事宜凡移置將帥指陳職守之事多與當事馳書辨論見者或詫爲能文遇地方有大營建及忠孝節烈事交口屬爲碑志始赧然慚皇然辭旣而幡然改曰將帥職守地方營建之事事之可傳者也忠臣孝子義夫節婦之人人之可傳者也事可傳人可傳敢以吾不文而不之傳乎謹志之以俟虞初之采是吾責矣戊午八月六合之變故居燬於火向所爲制舉文及酬唱贈答之篇灰爲獨是稟隨行篋獲存意者其事其人之不可不傳冥漠中有主持之者乎事不灰人不灰而吾之文亦因以未灰乎爰者取而集之鹵莽

滅裂之譏吾其不敢避矣咸豐十一年歲在辛酉九月朔六
合彝舟甫徐薰自敘

ラノヲクニシテ

余

禾灰齋文集目錄

六合徐鼎著

卷第一

擬上開礦封事 辛丑寓皖城作

請救兵疏 癸丑正月入奏

請定戰守疏

卷第二

與勝克齋閣學書 癸丑二月

上琦中堂書 癸丑三月時賊初陷江揚兩郡

與向欣然軍門書 癸丑三月時官軍連挫賊鋒

上琦中堂書 癸丑冬賊陷儀邑

上房師楊簡侯方伯書 甲寅七月

與袁小午編修書 乙卯十月

上德帥請撤駐守浦口總兵武慶啓 丁巳三月

再上德帥啓

上向帥啓 丁巳三月

上各大憲請留溫太守啓 丁巳六月

上各憲請武場添試火器刀矛箋 己未守福甯

卷第三

務本論上下篇

卷第四

敕授修職郎累晉中憲大夫顯考軼陵府君行述

敕封孺人累晉恭人顯妣洪太恭人行述

吉芝長兄行狀

補六合縣志列傳

常忠 馮純仁 毛至潔

補明史列傳

唐紹堯 石萬程 陳君寵 婁鏞 馮

達成榮傳

烈婦陸氏傳

壬辰四月作

烈女馮氏傳

庚子石梁署中作

書辛三事

庚子石梁署中作

家人殉難記

記初閱六合被圍事

六合官紳士民殉難記

卷第五

天長縣新建天后宮碑記

代林森門師作

六合重修火星廟碑

六合重修城隍廟碑

重建福甯文昌祠碑

姚公文暲重建忠孝祠碑記

誥授奉政大夫贈道銜上元縣知縣前署六合縣事劉公祠

堂碑記

代溫北屏
觀察作

贈布政使銜防堵六合候補道溫公祠碑

大塚碑

誥授光祿大夫太子太保經筵講官刑部尙書史公神道碑

銘已亥寓揚代

作

張公暨配饗且人墓志銘

李薌園司馬墓志銘

張紫庭封翁墓表

許憲章先生墓表

高烈楚珍公暨妣王太安人墓碑文

曾祖佩蒼公暨妣樂太安人墓碑文

王父遠邨府君暨妣何汪兩太恭人墓碑文

先嫂薦孺人墓志銘

卷第六

金騰我之弗辟句當從孔傳說

詩父母孔邇備從漢人舊義說

春秋誓子同生說

左氏記伍子胥事與公羊同義說

使舜完廩節非虛設之詞說

古韻東冬鍾江與陽唐通說

伍員論

漢昭烈不取荊州論

唐肅宗靈武卽位論

吳孝子家梅樹重拳記

董葵洲先生畫像記

上雲澹人師箋
丁酉都中作

卷第七

本支

興國

江東

劉雲

張又

六合

小腆

讀書

書四

書四

長天壽文

跋賴子瑩文集後

卷第八

出險圖箴 並序

燭觚銘

團扇畫贊 並序

會攻九伏洲告祭風神文

祭林蘇門師文

閩鄉人祭林蘇門師文

代作祭前湖州太守方公文

乙巳同年公祭濰縣陳相國夫人文

代作祭濰縣陳相國夫人文

代作祭糴縣陳相國夫人文

秦佑五游擊壽序

任瑞五五十壽序

目錄終

宋文齋文集卷第一

六合徐鼎著

擬上開礦封事

辛丑寓皖城作

今夫善治生者薄滋味善治國者賤金銀蓋人身之於國家各以元氣爲根本元氣固則血脈調適膚革充盈元氣傷則血脈凝滯膚革減損節嗜慾安形性固人身之元氣者也滋味其輔以行者也崇節儉務農桑固國家之元氣者也金銀其旁爲通者也世未有缺滋味之供致其身有羸弱之病者卽未有缺金銀之用致其國有貧乏之憂者病在元氣而欲以外本內末之劑枯竭其血脈以求強於肢體膚革則元氣傷而病且不可爲矣我

國家疆域遠過漢唐

列聖恭儉相承前代奢靡之事一切罷斥而國用常患不足者毋亦

於本計有未講乎而議者以爲經費之不足由於銀少請開

礦銀助餉臣竊惑之蓋自古國家未有恃銀以爲用而國不

貧者銀愈多則貧愈甚兩漢賜予黃金動至千萬斤金一斤

直錢萬銀八兩直錢千非其時礦穴之所出多也亦猶今之

鉛錫公私不以爲常貨而天下無藏之者也唐初租庸調之

法租出穀庸出絹調出緡布後增錢稅而民苦之然猶未折

銀也民間市易以穀帛惟嶺南用金銀他郡則未有也宋因

唐法元祐會計錄載歲銀才五萬七千兩南渡後始有折銀

之法國以大困明太祖監前代之弊令天下田賦悉輸米禁

民間不得以金銀交易洪武二十四年坑冶課銀才二萬四千七百四十兩其時天下阜安不以銀少爲患也後以倉儲有餘折銀入官民間交易之禁亦弛庫銀累千百萬而國愈困傳曰近寶公室乃貧此其證歟夫國家恃銀爲用而國無不貧者何也銀者非耕之能生織之能成者也農人賤賣其粟帛而易銀入官有數石之粟數捆之布不足完數兩之銀者銀愈貴而農愈困矣且恃銀爲用則銀未有不日少者又其勢然也百畝之田

朝廷計畝而賦之粟帛日用之物

朝廷計貨而稅之富商大賈藏鏹數千萬逐倍稱之利

朝廷不能計錙銖而稅之也百物皆利害兼權藏銀則有利而

無害於是商賈之人多而耕織之人少矣耕織之人少則穀帛亦爲難得之物而乘時射利者又得逐穀帛之短而囤積以居奇穀帛愈短銀價亦愈高銀價愈高而藏銀者愈深閉而不肯輕出如是則雖如今日議者之說無礦不開開必獲銀而一人採之十戶藏之一州治之天下藏之銀之出也有窮而人之藏也無數銀烏得而不日少哉然使礦開必獲獲銀之數必如吾之所欲則吾姑開礦以紓目前之急而後徐以他法救之則亦未見開礦之無所利而其說之必不可行顧臣以爲不然者則以銀少之病淺開礦則病益深銀少而病發之遲者開礦則病且發之益速蓋其勢之不可行者有六請竭其愚惟

皇上察焉一曰濟軍務而轉妨軍務也銀礦所出在深山窮谷之中今鑿露之不得不調兵於礦外遮列防守自定海失守以來直隸山東江浙閩廣濱海之地夷船遊奕無常調兵防堵官兵之在廣州者幾數萬其督撫提鎮各標兵之在本營者留待大營調遣不可移動其各州縣汛地之兵率每汛不過十餘人團練壯丁之眾率每縣不過二三十人以爲防城捕盜之用今若調遣防礦則聚武弁於山澤之中郡縣空虛猝有不虞何以應之又目今軍務方殷採買硝磺打造軍器修理船隻之事大營取之於省垣省垣取給於州縣羽檄蝟毛日不暇給今者開礦之令下則深山窮谷之中百物不具自官弁夫役居住之地以及鋤鋤斧鑿之具竹木遮蓋之需又

無一不取給於州縣是兵差之外加以礦差也頃者新造之礮有炸裂者矣硝磺鉛丸有製造不如式者矣今倍而求之其何能給是欲濟軍務而轉妨軍務也事之不可行者一也
二曰裕國帑而實耗國帑也議者曰開捐之款不過取給一時礦銀可廣利藪夫深山窮谷之中非如倉廩府庫之所有可啓鑰而取也非如榷榷杞梓之材可操斤而務獲也巨石巉巖深谷透迤非手攀足躡所爲功也官弁夫役非可枵腹以從事也金銀銅鐵之所出又非如壺醢醬瓿可懷挾提挈以至庫也鋤鋤斧鑿之用竹木遮蓋之需所費不知若干萬官弁夫役每礦率千百人工食所費不知若干萬舟車輓載所費又不知若干萬明嘉靖二十五年採礦費三萬餘金得

礦銀才二萬八千五百萬歷間大興礦役所得不逮所費之半國以大損其明驗也萬一礦開無獲承辦官員懼獲罪譴勢且挪借庫銀虧短正額是裕國帑而實耗國帑也事之不可行者二也三曰廣盜賊之藪也飢寒失業之民散四方以餬口一旦開礦之令下則旬日之間召募或千百人事誠不難集也顧此應募而來者欲以礦穴爲生者也而礦穴之開又不能如開墾田畝可永爲業者也或穴開無銀或鎔不成錠今日開之明日閉之此千百應募之人將何以爲之所乎平時逃亡山澤之間鼠竊狗偷所以不能大爲害者以其散處而勢不能聚也今聚千百萬人於一鄉一邑之間露宿野居飢寒交迫小則劫掠商賈大則嘯聚山林固勢之所必有

也夫招人以責鹽竈戶裁而梟匪出矣招人以運清水手多而強劫出矣自來大眾聚之甚易散之甚難秦漢以來盜賊之興由於工役其已事也事之不可行者三也四曰擾閭閻之業也力食之民弄其所業驅之人山官給工食日不過百錢經手吏胥又折扣之實得者不過十之六七此養一身尙不給況其家乎夫貧民旣受困矣其有衣食豐足之家則又計丁出錢僱夫充役或夫役逃亡官弁不能稽查又援保甲之例編富民爲礦頭公私挾制身家交瘁而地方不肖之生監又復借端訛詐富民一畝之有指爲私佔礦地一畝之掘指爲私開礦穴一錠之蓄指爲私藏礦銀展轉株連以興大獄甚至田里墳墓之在礦山左右者官令一下急如星火驅

通遷徙發掘暴露小民之含冤莫訴者弱者至於傾產以免禍強者或且挺刃以尋仇此皆

皇上

所目不忍見而耳不忍聞者也事之不可行者四也五曰肥

貪猾之囊也前明礦務之害中官擾之也今以官治之宜無害矣顧臣以爲不然者請以近事徵之漕務河務鹽務三者皆二百年來經畫籌度以爲不做之法也然其開浮收勒扣侵蝕陋規之弊無一不有今開礦之規條能更密於鹽河漕務乎不能也戶部之房庫

禁

城嚴密之地也然假詔盜銀之案又無一不有今礦穴之防

守能更密於戶部乎不能也礦穴距城遠遠督撫耳目不及周也州縣亦不能舍其地方之事聽察於山澤間也勢必派

委候補人員爲之監督一官之隨從又十餘人此豈皆能以愛民爲務者乎礦銀多則假公開銷自充囊橐礦銀少則妄行科派害及公私善乎明萬曆時侍郎馮琦之言曰皇上之心但欲裕國不欲病民羣小之心必自瘠民方能肥已事之不可行者五也六曰洩山川之靈也畿輔之地

國家王氣之所鍾

山陵弓劍之所藏不可妄動矣禮曰天子祭天下名山大川諸侯祭名山大川之在其地者

皇上者天下山川百神之主也豈獨畿輔之地云爾乎且夫天地精華之產旁薄鬱積於山谷閒者節而取之無盡之藏也罄所有而出之則天地亦壞其所藏之府而山川朽敗之氣逆

出旁洩而爲災蓋天地之理有大美者必有大惡地以厚而能載者也其有益於生人者物之美者也而其奇惟毒害乘陰陽不正之氣者亦得託於幽僻隱昧之處全所天而與人無爭今壞其府而使之不得所安則潰散而不可收者以其勢然也水旱疫痢之興昆蟲草木之妖豈盡天事毋亦人謀之未臧乎夫焚山而獵竭澤而漁古人猶惡之況金玉乎山有朽壤而崩聖人猶懼之況開鑿乎臣願

皇上計及久遠爲天地培元氣爲

聖躬綿福澤爲聖子神孫留萬年之美利則事之不可行者六也

夫此六不可行之勢臣知之言開礦者亦豈不知之而計固出於此者彼固曰勢不得已也然此不得已之勢言開礦者

知之臣亦豈不知之而以爲必不可者臣則曰國用之不足非銀少也恃銀以爲用而銀自不得不少也以銀病而復以銀救之如人傷於酒而以膏粱之味進之可乎如人傷於色而以金石之藥投之可乎夫治病有貴知病源治國者貴知國本然則今之籌國用者在於重農桑而已矣重農桑必先貫穀帛貴穀帛必先禁淫侈淫侈禁而後商賈之利微商賈之利微而後耕織之人眾耕織之人眾而後穀帛之所出多穀帛之所出多而後金銀之價賤金銀之價賤而後私家之藏滯出私家之藏滯出而後泉貨之源通臣請更竭其愚唯皇上察焉歷代盛時租賦無折銀之法民間亦不以銀市易如是則穀帛貴矣夫用銀而慮銀少用穀帛而不慮穀帛之少者

穀帛可以人力生之銀不能以人力生之也今

國家河工邊餉之款欲悉易以穀帛其事誠有所難行然而前人變通之法不可不知也明正統十一年工部侍郎周忱言各處被災賑濟不敷請以折銀糧稅悉徵本色於各處收貯俟青黃不接之際出糴於民以所得銀上納京庫

國初處士顧炎武以爲宜倣其意令天下稅糧盡徵本色除漕運京倉之外其餘則儲之通都大邑而使司計之臣略倣劉晏之遺意量其歲之豐凶稽其價之高下糴銀解京以資國用臣愚以爲如是則錢穀之貴賤權不操之商賈民無完銀之苦而穀帛貴矣臣以爲貴穀帛必先禁淫侈者何也厭布而帛厭棉而裘則錦繡纂組之事興而農桑之利奪矣厭

布帛而易以洋貨厭羊皮而易以珍裘厭尋常朴拙之物而易以奇巧而外洋羽毛大呢氈瓊珠玉寶玩之物口外元狐灰鼠百獸之皮皆入而耗中國之銀矣今宜嚴爲之禁非法之服人不得衣非法之物市不得鬻則市舶無所獲利不禁而自不來而吾中國逐末之民亦無所施其技巧不得不求之於穀帛以謀其生如是則耕織之人眾而穀帛之所出者多矣而或者謂生齒殷繁盡歸之農桑恐地不足以給也則又不然今天下人民之眾無過東南穀帛之多亦無過東南然今東南之地未嘗無餘利也一尺之地皆可耕一寸之絲皆可織第令人人耕而天下無飢者矣人人織而天下無寒者矣不飢不寒而金銀復何用哉無用之物誰復藏匿之而

不冝出哉臣所謂穀帛之所出多而後金銀之價賤金銀之價賤而後私家之藏滯出私家之藏滯出而後泉貨之源通者蓋謂此也如是以行之數年臣知銀之必不患少矣

皇上方將投之於山抵之於淵以節儉之風爲萬古法冝復開礦以求之也哉夫治病於病源病去而人不傷裕國於國本國富而民不困自古金丹之藥無不戕生言利之臣無不病國孔子曰有國家者不思貧書曰不貴異物賤用物民乃足蓋萬世不易之論也臣草茅下士罔識忌諱抑古有言曰狂夫之言聖人擇焉惟

皇上矜而臣之則社稷幸甚生民幸甚臨奏不勝戰慄隕越之至

ラ、カ、ア、マ、キ

カ

;